

王文公文集

十

王叔和集

王文公文集卷第四十四

金澤文庫

古詩

示平甫弟

示元度

憶昨詩示諸外弟

示張秘校

招約之職方并示正甫書記

步月

再用前韻寄蔡天啓

白鶴吟示覺海元公

示安大師

示寶覺

定林示道原

思王逢原

用前韻戲贈葉致遠直講

憶鄞縣東吳太白山水

八月十九日試院夢冲卿

哭梅聖俞

傷杜醇

示平甫弟

汴渠西受崑崙水五月奔湍射黃矢高淮夜
入忽倒流碕岸相看欲生觜萬檣如山屹不
動嗟我仲子行亦止自聞留連且一月每得
問訊猶千里老工取河天上落伏礫澶沙卷

無底土橋立馬望城東數日知有相逢喜牆
隅返照媚槐穀池面過雨蘇篁葦欣然把手
相與閑所願此時無一詭豈無他憂能老我
付與天地從今始閉門爲謝載酒人外慕紛
紛吾已矣

示元度

營居半山園作

今年鍾山南隨分作園囿鑿池

御名

吾廬碧水

寒可漱溝西雇丁壯檐土爲培塿扶疎三百

株蒔揀最高茂不求鵝鷄實但取易成就中

空一丈地斬木令結

御名

五楸東都來斲以遶

簷溜老來厭世語深卧塞門寧贖魚與之游
餽鳥見如舊獨當邀之子商略終宇宙更待
春日長黃鸝哢清晝

終一作經

憶昨詩示諸外弟

憶昨此地相逢時春入窮谷多芳菲短垣困
困冠翠嶺躑躅萬樹紅相圍幽花媚草錯雜
出黃蜂白蝶參差飛此時少壯自負恃意氣
與日爭光輝乘閑弄筆戲春色脫略不省旁
人譏坐欲持此博軒冕肯言孔孟猶寒飢丙
子從親走京國浮塵空並緇人衣明年親作

建昌吏四月挽舩江上磯端居感慨忽自寤
青天閃爍無停暉男兒少壯不樹立挾此窮
老將安歸吟哦圖書謝慶弔坐室寥寞生伊
威材踈命賤不自揣欲與稷契遐相晞旻天
一朝畀以禍先子泯没予誰依精神流離肝
肺絕背血被面無時晞母兄呱呱泣相守三
載厭食鍾山薇屬聞降詔起群彥遂自下國
趨王畿刻章琢句獻天子鈞取薄祿歡庭闈
身著青衫手持版奔走卒歲官淮沂淮沂無
山四封庫獨有廟塔左義魏時時憑高一悵

望想見江南多翠微歸心動蕩不可抑霍若
猛吹翻旌旂騰書漕府私自列仁者惻隱從
其祈暮春三月亂江水勁櫓健帆如轉機還
家上堂拜祖母奉手出涕從橫揮出門信馬
向何許城郭宛然相識稀永懷前事不自適
却指舅館排山扉當時髫兒戲我側于今冠
佩何頎頎况復丘樊滿秋色蜂蝶摧藏花草
腓令人感嗟千萬緒不忍蒼卒回驂駢留當
開樽強自慰邀子劇飲母子違

示張秘校

月出映溝坻煙升隱墟落寒魚占窟聚暝鳥
投枝泊亭臯閉晚市壠首歸新獲佇子終不
來青燈耿林壑

招約之職方并示正甫書記

往時江揔宅近在青溪曲井滅非故桐臺傾
尚餘竹池塘三四月菱蔓芙蕖馥蒲柳亦競
時冥冥一川綠方坻最所愛意謂可穿築欲
往無舟梁長年寄心目故人晚得此心事付
草木消搖欄宇新攬轡蹊隧熟更能適我願
中水開茆屋鬼營誅荒梗人境掃宜黷濠魚

淨留連海鳥暖追逐豈無方外客於此停高
躅憶初桑落時要我豈非夙蠶眠忽欲老一
介未言速當緣東門水尚澀南浦舳吾廬雖
隱翳賞眎還自足橫陂受後澗直塹輸前瀆
跳鱗出重錦舞羽墮輭玉碧筍遞舒卷紫角
聯出縮千枝孫嶧陽萬本母淇奧滿門陶令
株彌岸韓侯藪尚復有野物與公新聽矚金
鈿擁蕪菁翠被敷苜蓿蝦蟇能作技科斗似
可讀櫺軒俯北渚花氣時度谷耘耔効顰
締御名行可續荒乘儻不倦一晝敢辭卜雖無

北海酒乃有平津肉脩脩仙李枝城市久煩
低寄聲與俱來蔭我臺上穀

步月

山泉墮清陂陂月臨淨路惜哉此佳景獨賞
無與晤埭口哆陂陰要予水西去呼童擁草

堡復使東南注

一云復改
東南注

再用前韻寄蔡天啓

蔡侯東方來取友無所挾脩脩一囊衣偶以
一書笈定林朝自炊有匕或無筴時時羹藜
藿鑊大苦難熨驕頑遂敢侮有甚觀駢脅澹

然山谷中變色未嘗輒始見類欺魄寒暄粗
訓接從容與之語爛漫無不涉奇經可治疾
秘祝可解魘巫醫之所知瞽史之所業載車
必百兩獨以方寸攝微言歸易悟疾若騷赴
鑷天機信卓越學等何足躡縱談及既往每
與唐許協楊雄尚漢儒韓愈真秦俠好大人
謂狂知微乃如謀惟知造文字人惑鬼愁懾
秦愚既改臯新眊仍易疊六書遂失指隸草
矜敏捷誰珍擅山刻共賞蘭亭帖東京一祭
酒收拾偶予愜少嘗妄思索老懶因退怯侯

方習篆籀寸管靜嘗摩深原道德意助我耕
且獵昔功恐唐捐異味今得饁京口媚學子
追師嘗刼刼陸羸淮汴糧水就湖海艤遠求
而近違如目不見睫僞鳳易悅楚真龍反驚
葉聞予再三歎徃徃心不厭或自逸而走或
呿而不嚙或嗤元郎漫或訛白翁囁鑠金徒
欲消韞玉豈愁浥賢愚有定分咄汝無喋喋
跨鞍隨我遊曳筵聯我跼照泉挹清泚跂石
緣嵬業東陂數儵魚西崦追蛺蝶翳林窺搏
黍藉草聽批頰黃尋遠蓮鬢紅閑鄰杏靨荏

華光景流楊園忽無葉扶病歸未久吾見喜
寧怙褰裳告我去祿仕當隨牒蕭晨秣款段
歸騎得追躡謂言循東路覆出西城堞行矣
忍羈旅無魚勿彈鋏天閑久索驥駿足方騰
蹠長驅勿驕矜小踈亦勿慄鵬飛九萬里勿
借風一筴溟波浩難窮勉自養鱗鱗爵祿實
天械功名爲接榘寧能復與我搖漾秦淮楫
附書勿辭頻隔歲期滿篋

白鶴吟示覺海元公

白鶴聲可憐紅鶴聲可惡白鶴靜無匹紅鶴

喧無數白鶴招不來紅鶴揮不去長松受穢
死乃以紅鶴故北山道人曰美者自美吾何
爲而喜惡者自惡吾何爲而怒去自去耳吾
何闕而追來自來耳吾何妨而拒吾豈厭喧
而求靜吾豈好丹而非素汝謂松死吾無依
邪吾方捨陰而坐露

示安大師

道人深北山爲家宴坐白露眠蒼霞手扶椀
杖雖老矣走險尚可追麋麇踞堂俯視何所
有窈窕樛木垂棋檣深尋石路仍有栗持以

饋我因烹茶

示寶覺

宿雨轉歆煩朝雲擁清迥蕭蕭碧柳軟脉脉
紅蕖靚默卧如有懷荒乘豈無興幽人適過
我共取墻陰徑

定林示道原

昨登定林山俯視東南陔但見一方白莫知
所從來濕銀注寒晶盞以青培堆迢迢掩靄
中疑有白玉臺是夕清風興煩雲豁然開常
娥攀桂枝顧景久徘徊杖藜忽高秋陳迹與

子陪壯觀非復昔平蕪夜莓苔

思王逢原

自吾失逢原觸事輒愁思豈獨爲故人撫心
良自悲我善孰相我孰知我瑕疵我思誰能
謀我語聽者誰朝出一馬驅暝歸一馬馳馳
驅不自得談笑強追隨仰屋卧太息起行涕
淋漓念子冢上土草茅已紛披婉婉婦且少
榮榮一兄嫠高義動閭里尚聞致財貲嗟我
衣冠朝略能具饘糜葬祭無所助衰顏亦何
施聞婦欲北返跂予常望之寒汴已閉口此